



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶԻ
ԱՐԱՔՍԻ ՀԱՄԱՅՆՔԱՊԵՏԱՐԱՆ

Հայաստանի Հանրապետության Արմավիրի մարզի Արաքս համայնք,
գ. Գայ, Ա. Խաչատրյան-1

01 հունիսի 2024

ՇՆՈՐՀԱՎՈՐԱԿԱՆ ՈՒՂԵՐՁ ՀՈՒՆԻՍԻ 1-Ի՝ ԵՐԵՒԱՆԵՐԻ
ՊԱՇՏՊԱՆՈՒԹՅԱՆ ՄԻՋԱԶԳԱՅԻՆ ՕՐՎԱ ԱՌԹԻՎ

Սիրելի փոքրիկներ, ջերմորեն շնորհավորում եմ երեխաների պաշտպանության միջազգային օրվա կապակցությամբ:

Մաղթում եմ, որ խաղաղությունն ու երջանկությունը լինեն ձեր մշտական ուղեկիցը, շրջապատված լինեք անհուն սիրով ու հոգատարությամբ:

Առանձնահատուկ ուզում եմ շնորհավորել մեր կողքին ապրող այն մանուկներին, ում ամեն օրը պայքար է՝ լիարժեք ապրելու համար: Մեզանից յուրաքանչյուրի առաքելությունն է աջակցել ու սատար կանգնել նրանց, որպեսզի իրականություն դառնան նրանց բոլոր երազանքներն ու նպատակները:

Թող որ առողջ, պաշտպանված ու սիրված լինեն աշխարհի բոլոր մանուկները:

Հարգելի՛ ծնողներ, շնորհավորում եմ նաև ձեզ, քանզի ձեր ուսերին է դրված մանուկներին ընտանեկան ջերմությամբ շրջապատելու, արժանապատիվ սերունդ դաստիարակելու առաքելությունը:

Արաքս համայնքում իրականացվող գրեթե բոլոր ծրագրերի հիմքում դրված է մեկ նպատակ. ստեղծել բոլոր անհրաժեշտ պայմաններն ու նախադրյալները, որպեսզի մեր մանուկներն ունենան բարեկեցիկ և անհոգ կյանք:

Կրկին շնորհավորելով տոնի առթիվ՝ խաղաղ երկինք ու անհոգ մանկություն եմ մաղթում ձեզ, փոքրիկ բարեկամներ:

Շնորհավոր Հունիսի 1...

ՀԱՄԱՅՆՔԻ ՂԵԿԱՎԱՐ՝ Ղ. ՂԱԶԱՐՅԱՆ